

Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > AIMERIC DE PEGUILHAN > EDIZIONE > Atressi·m pren quom fai al joguador > Tradizione manoscritta > CANZONIERE Q > Edizione diplomatica

Edizione diplomatica

Image not found https://letteraturaeuropea.let.uniroma1.it/sites/default/files/Q1_0.PNG	A Utresim pren com fa al iugador Cal comensar ioga maistramen al petit iog pois sescalfa perden Qel fa montar tan qes en la folor aissim mis eu pauc a pauc en la uia Qeu cuiava amara maistria Si quem pogues partir can mi uolgues On soi entratz tant qeir no(n) puis gies Autra uez fui en la prison damor don escapei mais aoram repren. Ab un cortes engeing tan sotilmen Qem fai plazer mon mal e ma dolo(r)
--	--

Image not found

https://letteraturaeuropea.let.uniroma1.it/sites/default/files/Q2_0.PNG

Cun laz me fez metral col ab qem lia
Don per mon grat mais nom deslieria
E nulz autrom qe fos liaz non es
Qil deslies qe ben no li plagues

Anc mais nulz temps no(n) trobei liador
Qe tan ferm lies a tan pauc liamen
Qel liam fo cortz dun braz solamen
Don non trob chai qim desli ni aillor
Enliamaz soi tan qe sim uolia
Desliamar ges far non o porria
Camor qe lai mo liame(n)t empres
Meliamasai plus fort per un tres

A lei des fers quai ses tirador
Ues laziman qel tirauan si gen
Amor qem sap tirar ses tiramen
Mas tira ma si uals p(er)la meillor
Qe se dautra meillurar me sabria
E am tant lo meill qe ben meilluraria
Mas meillurar non cre qe mi pogues
Ueus p(er) qe ma per la meillor conques

Ha g(e)ntil cors format plus gen d(e) flor
Aiaz de mi cal aco chausimen
Qi eu mor per uos denuei e de talen
E podetz lo proar a ma color
Cam uos remir qe trafite e chambia
Qe foralmosna e granz cortesia
Cumilitaz mercian uos preges
Daquest coichos sofreichos de toz bes

Ben platz Guill(e)m malaspina ma(r)ques
Car conqer prez e prez ali conques

Biatríz dest lo bens qen uos es
Fa meillora las autras ab los bes

- letto 223 volte